

auch S. Hieronymus / vertirens Electrum, welches auch sein Schein vnd Glantz hat. Die Chaldeische Bibel nennet hie deutlich Messiam / welchen S. Paulus von seinem göttlichen vnd wesentlichen Schein / den Glantz der Herrlichkeit Gottes nennet / Hebreern am 1. Vnd das Nicenische Symbolum lumen de lumine. Denn Chasmal soll von brennen vnd Funcken / vnd daß es voller Glantz vnd Liecht ist / her genennet seyn / sagen die Hebreisten.

Electrum.

Hebr. 1.

Chasmal.

Weil nun die siebentzig Dolmetscher / vnd die lateinische Bibel hie ein Wort setzen / damit die alten güldig Silber / vnd den Goldfarben Agstein nennen / vnd der Prophet auch des glinkenden Erz in dieser Offenbarung gedencket / Wie Daniel vnd Johannes vns den Sohn Gottes in Metallen fürbilden / wollen wir auff ditzmal vom Electro, Das ist / von dem Metall reden / das das nechste nach dem Gold ist / Nemlich ein güldig Silber / da in der Mark natürlichen Golde / das fünffte Theil / das ist / 3. Loth vnd ein drittertheil innen ist / Vnd von dem Agt- oder Bornstein / vnd was des Dinges mehr in der Schrift gedacht wird / das aus der Erden flusse / als Noah Pech / vnd andere zehe Safft oder Leim / damit man pflaget zu reuchern / pichen / schmieren / leimen / köten vnd mawren.

Daniel. 2.

Johan. 3.

Was Electrum sey.

Also wollen wir auch Mose Wort Genes. am 2. das Badalah, welches er balde nach dem Golde nennet / vnd sein Soham, neben andern Worten im alten vnd newen Testament erklären / vnd vns des wesentlichen Glantz des Ba-tern / vnd dieser ewigen Sonne der Gerechtigkeit vnsers lieben Herren Jesu Christi / aus diesen Creaturen neben der Schrift erinnern. Zur Bekändnuß vnd Stärkung vnsers Glaubens / wider die Mahometische vnd Serbetische Ketzerey / welche des Sohnes Gottes wesentlichen Glantz / vnd

Gen. 2.

Malach. 4.

Nh iij

selb-